

## Akan Twi - Nyinaa Kyerewsem - Comfort Scriptures

II Korintofo 1:2-4 Adom ne asomdwoe a efi yεn Agya Onyankopɔn ne Awurade Yesu Kristo nka mo. 3 Momma yεnna Onyankopɔn a ɔyε yεn Awurade Yesu Kristo Agya no a ɔyε adom Agya na ɔyε Onyankopɔn a mmoa nyinaa fi no no ase. 4 Čboa yεn wɔ yεn amane nyinaa mu na yεnam mmoa a yεn ankasa anya afi Onyankopɔn nkyεn no so atumi aboa afoforo a wɔwɔ amane ahorow mu no.

Nnwom 25:16,17 Dan w'ani hwε me, O Awurade, na hu me mmɔbɔ efisε, meyε ɔbaakofo a mayε mmerεw. 17 Yi me dadwene ne me haw nyinaa fi me so.

Nnwom 32:7 Wone me guankɔbea; wubegye me afi ɔhaw mu. Meto wo nkwegye ho dwom dennen efisε, wobɔ me ho ban.

Nnwom 34:18 Awurade bεn wɔn a wɔapa abaw. Ogye wɔn a wɔn anidaso asa nkwa.

Nnwom 38:8 Mabre a mapεkyεw koraa. Me koma redi yaw na yaw ama merepene.

Nnwom 40:3 Čkyerεε me dwom foforo to; dwom a wɔde yi yεn Nyankopɔn ayε. Dodow a wohu eyi no, εbεbɔ wɔn kɔkɔ ma wɔde wɔn ho ato Awurade so.

Nnwom 42:11 Adεn nti na me werε ahow saa? Adεn nti na me ho yeraw me? Mede me ho bεtɔ Onyankopɔn so, na bio, mεkamfo no, m'agyenkwa ne me Nyankopɔn.

Nnwom 50:15 Amane mu, momfrε me na megye mo na mobεkamfo me."

Nnwom 55:4 Mabo hu na owu ahunahuna abubu me. 5 Ehu ne ahopopo akyekyere me. Ahohuru afa me.

Nnwom 61:2,3 Abasamtu ne akyirikyiri a mifi na mede aba wo nkyεn yi! Fa me, na fa me sie yiye 3 efisε, wone me gyefo, ogyefo dennen a ogyina tia m'atamfo.

Nnwom 62:8 Čno nko ara na ɔbɔ me ho ban gye me nkwa; ɔyε me gyefo enti obiara renni me so nkonim. 3 Mobεkɔ so akɔ onipa a n'ahooden nnu ɔfasuw a abu agu yi so akosi da bεn?

Nnwom 73:26 M'adwene ne me nipadua begugow nanso, Onyankopɔn ne m'ahooden. Čno na ne ho hia me daa.

Nnwom 77:2,3 ɔhaw mu, mebɔ Awurade mpae; anadwo mu nyinaa, mema me nsa so bɔ mpae nanso me werε nkyekye. 3 Se midwen Onyankopɔn ho a, migu ahome; se midwen komm a, mabasa mu bu.

Nnwom 85:6 Hyε yεn den bio, na yεn, wo nkurofo, bεkamfo wo.

Nnwom 86:11 Awurade, kyεrε me nea wopε sε meyε na medi so nkoware mu. Kyεrε me na memfa m'adagyew nsom wo.

Nnwom 109:22 Ahia me na minni biribiara. Me koma mu hyehye me.

Nnwom 112:7,8 Ote asɛmmɔne a, emmɔ no hu; ne gyidi mu yε den na ɔde ne ho to Awurade so. 8 Biribiara nhaw no na onsuro. Onim pefee sε obedi n'atamfo so nkɔnim.

Nnwom 119:111 W'ahyεde yε m'agyapade daa; εhyε me koma anigye.

Nnwom 128:2 W'adwuma na εbεma wo nea ehia wo; wo ho bεtɔ wo, na woadi yiye.

Nnwom 138:7 Sε ɔhaw twa me ho hyia a, wugye me. Woko tia m'atamfo a wɔn bo afuw no, na wonam wo tumi so gye me.

Nnwom 143:4 Eno nti, mereyε apa abaw. M'aba mu abu.

Nnwom 147:3 Osa wɔn a wɔn koma atu yare na ɔkyekyere wɔn akuru.

Yohane 14:1 Yesu ka kyεrε n'asuafo no se, "Mommma mo koma nntu. Munnye Onyankopɔn nni na munnye me nso nni.

Yohane 14:27 "Asomdwoe na mede regyaw mo; m'asomdwoe na mede regyaw mo. εnyε wiase asomdwoe na mede regyaw mo. Mommma mo koma nntu; na munnsuro nso.

Yohane 16:6 Nea maka akyεrε mo yi ama mo were ahaw.

Yohane 16:20,22 Meka nokware akyεrε mo; mo were bεhow na moasu nanso wiasefo ani begye. Mubedi awerεhow nanso mo awerεhow no bεdan anigye. 22 Saa ara na εte wɔ mo ho. Mprempren de, mo were ahaw. Nanso mehu mo bio ama mo ani agye na obi rentumi nnye saa anigye no mfi mo nsam.

Asomafo 2:46 Daa na wɔbɔ mu hyia wɔ asɔredan mu de anigye ne koma pa bɔ mu didi wɔ wɔn afi mu, kamfo Onyakopɔn, nya anuonyam wɔ nnipa anim.

Romafo 9:2 Midi awerεhow na mete daa yaw wɔ me koma mu ma me nkurofo.

2 Korintofo 2:4 Mede amanehunu, awerεhow ne nisu na εrekyεrεw mo saa krataa yi. Mankyerεw mammεhyε mo awerεhow na mmom mekyεrεw de bεkyεrεs ɔdɔ a medɔ mo nyinaa.

Efesofo 5:19 Momfa nnwom mu nseñm nkasa nkyεrε mo ho mo ho. Monto dwom mma Awurade na monkamfo no wɔ koma mu.

Filipifo 4:4 Meka ti mu bio sε daa munnya ahosepεw wɔ Awurade mu; mo ho nseñpεw mo!

Yakobo 5:13 Mo mu bi wɔ ɔhaw bi mu anaa? εsε sε saa onipa no bɔ mpae. Mo mu bi wɔ ahoto mu anaa? εsε sε ɔto ayeyi nnwom.